



KENYATAAN MEDIA KEMENTERIAN SUMBER MANUSIA

MAJLIS RAMAH MESRA TIMBALAN MENTERI SUMBER MANUSIA BERSAMA MEDIA

Kuantan, 12 Ogos – Jabatan Keselamatan dan Kesihatan Pekerjaan (JKKP) sebuah jabatan di bawah Kementerian Sumber Manusia (KSM) telah menganjurkan satu majlis ramah mesra bersama media. Ia bagi menjalin dan mengeratkan hubungan baik antara pihak Kementerian dan Jabatan bersama media.

Bagi tujuan itu, majlis ramah mesra ini diadakan dan dihadiri oleh YB Dato' Sri Haji Ismail bin Haji Abd. Muttalib, Timbalan Menteri Sumber Manusia, bertempat di Zenith Hotel, Kuantan.

Lebih 50 pengamal media seluruh negeri Pahang hadir bagi bersama Pengurusan Tertinggi Kementerian Sumber Manusia (KSM) serta Jabatan.

Langkah ini sebagai salah satu usaha kerajaan untuk menjadikan media sebagai rakan informatif dalam pembentukan *smart partnership* yang berterusan dan berkesan dalam isu berkaitan Keselamatan dan Kesihatan Pekerjaan (KKP) antara pihak Kerajaan dengan para majikan, pekerja dan orang awam.

Dalam perkembangan lain, JKKP telah mengeluarkan Garis Panduan bagi Media Profesional pada tahun 2012 dalam memastikan keselamatan, kesihatan dan kesejahteraan kakitangan dan pengamal media terhadap risiko yang timbul daripada aktiviti yang dijalankan dalam persekitaran pekerjaan mereka.

Para pengamal media disaran untuk menyediakan naskah atau artikel yang dapat mencetus dan menyuntik kesedaran para pekerja dan majikan terhadap kepentingan keselamatan dan kesihatan pekerja.

###

**Dikeluarkan oleh:
Unit Komunikasi Korporat
Kementerian Sumber Manusia
12 Ogos 2017**